

տարահյուս տաղաշափության մեջ, միայն ճանաչանի գրչով կարող էր հաջողապես փոխադրվել մի ուրիշ լեզվի»:

Շնորհալու խտալերեն այս հատորակը զարգարված է Թորոս Առաքելի շորս մանրանկար-

ների (վերցված Մաշտոցի անվ. Մատենադարանի ձեռագրերից) արտատպությամբ, իսկ հատորի կազմը՝ ներսես Շնորհալու գունատիպ պատկերով:

Ա. ՏԱՅԱՆ

ԵՐԵՎԱՆՑԻ ՎԱՃԱՌԱԿԱՆ ԿԱՐԱՊԵՏ ԳԻՄԵԼԻՔ-ՕԶԱՆԵՍՈՎԻ «ԳԱՎԹԱՐԸ»

Մեզ է հասել երևանցի առևտրական Կարապետ Մելիք-Օզանեսովի առևտրական գործարքների տետրը¹։ Գրառումները կատարված են նրա կյանքի վերջին տարիներին՝ 1817—1819 թթ., երբ նա արդեն համարվ հանած վաճառական էր ունեցվածքի, ընտանիքի տեր։ Մելիք-Օզանեսովը ծնված պետք է լինի 1770—1775 թթ. և վախճանվել է 1819 թ.։ «Դավթարում» ոչինչ չկա նրա գործունեության սկզբնական շրջանի մասին։ Ի տարբերություն նախորդներից մեկի՝ առևտրական Զաքարիա Աղուլեցու², որը մանրամասնորեն գրանցում էր իր անցած ճանապարհի, ընտանիքի, դեպքերի ու այլ իրադարձությունների մասին, Կարապետը գրառում է միմիայն առևտրական գործարքները։ «Ավ թվին 1266 (1817) յօթստոսի 1-ին, որ ես Կարապետըս Մելիք-Օվանեսով Երևանից դուս ելայ որ զնամ Պօլիս իմ ամեն ինչըս գրեցի մէկ դավթարում, մհրեցի, գրի Սուրբ աթոռն որ է էջմիածին, որ ամէն բանըս գրած է, աորս և տուրըս և մալըս և պարտքըս և վորըս ինչս միուստ միողէ գրած է այնտեղ», սկսում է նա իր «Դավթարը»։ Պոլիս է հասնում սեպտեմբերի 20-ին։ Նրան ընկերակցում էր քնուռ տղան՝ Աղամալ Եղիազարյանը, որը նույնպես առևտրի էր զնացել։ Պոլսում Կարապետը զնամներ է անում ինչպես իր, նույնպես և Աղամալի համար, մեկ առ մեկ զրանցելով զնված ապրանքները, զները, նրանց համար վճարված մաքսը։ Գնում է մոտ 50 տեսակի ապրանք, զրանցից՝ թավիշ, չիթ, շալեղեն, ծամացույցներ, ոսկու կշեռքներ և սյն։ Պոլսում մընում է 6 ամիս և ապա՝ «Ավ թվին 1267 (1818) մարտի 18-ին, ես Կարապետ Մելիք-Օվանեսովս եկի Պոլսից Երևան նստեցի, որ իմ արած Պօլիս խրիտն ծախեմ. այս է ծախըս և ամէն ինչըս միուստ միողէ անվանի», Երևանում ապրանքը նա վաճառում է ոչ թե արշինով, այլ թուփերով։ Միրզա Ջաֆարին՝ 20 թուփ, Գանջանլի Ալահվերտուն՝ 7 թուփ, վրացուն՝ 25 թուփ և այլն։

¹ Մաշտոցի անվ. Մատենադարան, Կաթ. դիվան, թղթ. 31, վավ. 234։

² «Զաքարիա Աղուլեցու օրագրությունը», Երևան, 1938։

Կան նաև Երևանում վաճառվող ապրանքների գրները։

Կա նրա մի նամակը՝ գրված նույն թվականի հուլիսի 25-ին էջմիածին՝ Ներսես Աշտարակեցուն, որից պարզվում է, որ ն. Աշտարակեցին նրանից ինչ-որ հաշիվներ է պահանջել, որին Կարապետը պատասխանում է. «Ումպր էիր արել վասն զրերիս համար, որ բերեմք իմ ողորմած տէր, զբերըս Թիֆլիս բանի մէջ է, պիտի ծառայէ զընամ հանեմ թէ չէ ում զրեմ կամ ում ասէմ որ հանի զրկի» ու այնուհետև. «Կարող եմք ամէն կերպով զրօվ և տպով դուշմանիս հախեն դալ, երբ որ չի կարացի գրօվ կամ մալով պատասխանի տալ, յետոյ տէրութիւնդ որպէս Ած կանք տացէ որ ծառայիդ ետ զնամք շուտով դամք. ես ասի իմ եղբայրըս ինքն իրան խըջմլտանք անէ. թէ չի արեց իրան կամացն է ես պատրաստ եմ ի տանջանս, բայց աստված Անդոնի և Վախտանգի պէս ճշմարտութիւն չի կորուսանէ. ես իմ մալէս էլ անցանիմ, ջանես էլ անցայ և իմ օղուշաղես էլ անցայ, աստված հախըն նըհախի չի տայ. խնդրեմ պատասխանիս ջամբես որ քարվանն զնում է. ողջ լերուք. տերութեանդ խոնարհ ծառայ Կարապետ գի Մելիք Օվանեսեան, Երևան»³։

Այնուհետև կատարում է երկրորդ ուղևորությունը՝ զեպի Թիֆլիս։ «Ավ թվին 1268-ի (1819) մայիսի 1-ին, ես Կարապետ Մելիք-Օվանեսովս իմ ամէն բանօվըս թէ փող, թէ մալ և թէ տան մէջ սալայմաթ ինձ հետ եկի քայդաբըն՝ Մելիքի քարվանսարէն, ջուրամ ինչ ունեմ ինձ յետէ, բայց ինչ որ ծախում եմ կամ այլոց տամ կամ ում մօտն զադ ունիմ այս դավթարումն կու զրեմ անվանի», Թիֆլիսում վաճառում է Պօլսից բերած ապրանքը։ Ահա Թիֆլիսի գրառումներից.

«Ավ թվին 1268-ին (1819) ամսեանն մայիսի 20-ին Թիֆլիս քաղաքումն տվի պարոն Կուրկենին որ է Երկուհարիւր Երեք զադ խառայ ֆրանկի մէկ զաղն 2750 դիանով, փողի ջամնէ... որ փողն յավթալուղով տալ ջամիւին Երեք թուման տալ մինչի վերջ լինելն այս իողորօվն տվի ու

³ Մաշտոցի անվ. Մատենադարան, Կաթ. դիվան, թղթ. 32, վավ. 89։

դրեցի զիտանիմ աղայ Կարապետ Խուսովին և պարոն Մկրտչ Լևոնյանի անունովին նույն աստիճանին տալի նոցա բարի աշխատիւն որ հատուցէն: Կամ մի այլը: Ձեզ թիւն 1268-ին (1819) օգոստոսի մէկին ևս Կարապետ Մկրտչ Թովանե-սովս Թիֆլիզ քաղաքումն տիւ շալապարցի պարոն Ղուկի Վերմիշովին որ է ջամն երեւ չարիւր խուման ճերմակ փող մանկիս աստիճանին տանի ճաղ ինձի համար ճաղ ու թիւ ասնէ բերել նրա նստիւ...» Այսպիսի բազմապիսի առեւտրական գործարքներ է անում նա: Վերջին գործարքը Մկրտչ Բաղիւնովին տված ապրանքն է, որով Մկրտչը պարտավորվում է Շաքիում վաճառել նրա ապրանքը, ստանալով որպէս աշխատավարձ 30 ուրլի, որից 4 ուրլին՝ նախօրոք: Այդ ապրանքներն են. «64 զաղ ֆուանկի մախմուտ, 76 թուի ալիւնըրաշ բաթան, 50 թուի խառա հետի, 33 զաղ սուսի շիթ» և այլն:

Այս գործարքի գրառումով 1819 թ. հուլիսի 25-ին ավարտվում է «Գաւթարք» Գաւթարքի վերջում 1820 թ. հունվարի 31-ին գրված հաշիվը, որը ստորագրված է ն. Աշտարակեցու կողմից, վկայում է այն մասին, որ Կարապետ Մկրտչ-Օհանեսովը մահացել է, և Մկրտչ Բաղիւնովը իր վաճառած ապրանքի փողն (476 ուրլի) ու մնացած ապրանքը հանձնում է ն. Աշտարակեցուն ու Կարապետի եղբոր՝ Հարութիւնին:

Նրա մահից հետո սկսվում է մի գործ՝ կապված ժառանգության հետ: Թիֆլիսի քաղաքային ոստիկանությունը ն. Աշտարակեցուն ուղղված մի գրութիւնով պահանջում է Մկրտչ-Օհանեսովի կըտակը, բանի որ նա Թիֆլիսում թողել էր զույք և կայր: Գույրի և ունեցվածքի պահանջ է ներկայացնում նրա եղբայրը՝ Պետրոսին: Սակայն կա նրանի մի խումբ բնակիչների մրկայությունն այն մասին, որ Կարապետը իր եղբորից վաղուց էր բաժանվել և թողնելով «Նահար» թաղամասում ունեցած իր տունը, տեղափոխվել էր «Բափարաշի» (Գոնդ) թաղամասը:

Թուղթը ստորագրել են Պողոս Պապայանովը, Թոմաս Տեր-Մարքիսովը, Գրիգոր Մանուշարովը, Գարրիկ Մկրտչ-Օսիպովը, Գալուստ Եղիազարովը, մեկի Սահակ Մկրտչ-Աղամալովը և ուրիշներ: Ժառանգության պահանջ է ներկայացնում Կարապետի կինը՝ Հովսիմին, որն ամուսնացել էր չինովնիկ Արսեն Պապայանյանի հետ, բայց ուներ երեխաներ: Հովսիմին տրված է վկայական առ այն, որ «խոյա Կարապետ Քյալ Հովհաննեսովը ունի Հովսիմին անունով մի կին, որը ծնել է մի տղա և մի աղջիկ: Բնոր մահացել է: Մնացածը պահպանում է երեխաներին ու կրնոցը»: Իրված է Խաչնդի կնիքը (մոլլա Ահմեդ), ստորագրված՝ Խաչնդ մոլլա Քյարիմ զադի և Խաչնդ մոլլա Մեհտի: Գործին կցված է նաև Հովսիմինի բերած օմիտի ցուցակը:

Ժամանակին լուրեր են պտտվել, թե Մկրտչ-Օհանեսովը կտակ չի թողել: Մեղ հաջողվեց գրտնել նրա կտակի պատճենը, բայց որի՝ իր հայրական տունը թողել է տղային: Ամբողջ ունեցվածքը 1895 թուման էր, որից էջմիածնի վանքին նրկիրում է 632 թուման, կնոջը՝ Հովսիմինին՝ 300 թուման, 1000 թումանը պատվիրում է տալ էջմիածնի վանքին տոկոսով, երեխաների համար:

Ներկայացված «Գաւթարք» XIX դարի առաջին քառորդի առեւտրական կապիտալի, ապրանքների ու նրանց գների, մարսերի, դրամների լեւարերյալ մի ուշագրավ փաստաթուղթ է, որը նոր նյութեր է տալիս նրանի ու Թիֆլիսի պատմությունն ուսումնասիրողներին: Փաստաթուղթն արժեքավոր է նաև լեզվական տեսակետից, քանի որ ներկայացնում է երևանյան բարբառը կենդանի խոսքով: Առեւտրական տերմինների որոշ մասը օտարալեզու է, ինչպես՝ մալ, դալամ, գուրուկ, խրիտ, ջամ և այլն, որը հատուկ է եղել այդ ժամանակվա առեւտրական մատյաններին:

Ս. ԱՎԴԱԼԲԵԿՅԱՆ